

**CANTON SARAJEVO
ASSEMBLY**

Komisija za izbor i imenovanja i administrativna pitanja

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“ broj 34/03 i 65/13), člana 25. stav 2. Zakona o unutrašnjim poslovima Kantona Sarajevo („Službene novine Kantona Sarajevo“ broj: 1/16, 26/19 i 31/19), člana 4. Odluke o standardima i kriterijima za imenovanje na poziciju člana Nezavisnog odbora („Službene novine Kantona Sarajevo“ broj 31/17) i člana 37. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13 i 47/15, 48/16, 9/20 i 14/20) Komisija za izbor i imenovanja i administrativna pitanja Skupštine Kantona Sarajevo objavljuje

**JAVNI OGLAS
za imenovanje članova Nezavisnog odbora Skupštine Kantona Sarajevo**

Objavljuje se javni oglas za imenovanje 7 (sedam) članova Nezavisnog odbora Skupštine Kantona Sarajevo. Nezavisni odbor je nezavisno tijelo Skupštine Kantona koje provodi postupak izbora i smjene policijskog komesara, te vrši nadzor nad njegovim radom.

Nezavisni odbor radi isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrovane organizacije ili udruženja ili bilo kojeg naroda u Bosni i Hercegovini.

Nezavisni odbor se sastoji od sedam članova. Članovi nezavisnog odbora biraju se iz reda istaknutih stručnjaka iz oblasti pravnih, društvenih i kriminalističkih nauka te iz organizacija koje se bave zaštitom ljudskih prava ili drugih srodnih oblasti, a koji nisu zaposleni u organima unutrašnjih poslova u Bosni i Hercegovini, odnosno drugim policijsko sigurnosnim agencijama u Bosni i Hercegovini. Najmanje jedan član Nezavisnog odbora mora biti diplomirani pravnik odnosno Bakalaureat/Bachelor prava sa ostvarenih 240 ECTS studijskih bodova. Sastav Nezavisnog odbora odražava nacionalni sastav stanovništva na teritoriji koju obuhvata Kanton prema popisu stanovništva iz 1991. godine. U toku izbornog postupka, vodiće se računa o polnoj zastupljenosti.


Imenovanje Nezavisnog odbora izvršit će Skupština Kantona Sarajevo, na prijedlog Komisije za izbor i imenovanja i administrativna pitanja Skupštine Kantona Sarajevo.

Nezavisni odbor se imenuje na mandatni period od četiri (4) godine.

Član Nezavisnog odbora ima pravo na mjesečnu nakadu za svoj rad čiju visinu utvrđuje nadležna komisija Skupštine Kantona Sarajevo.

Nezavisni odbor obavlja slijedeće poslove iz svoje nadležnosti:

- raspisuje i provodi Javni konkurs za imenovanje policijskog komesara;
- vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra;



- c) prati rad policijskog komesara, nadzire primjenu ovlaštenja policijskog komesara u rukovođenju Upravom policije iz člana 23. Zakona o unutrašnjim poslovima Kantona Sarajevo i o tome izvještava Skupštinu Kantona;
- d) ako procijeni za potrebnim može izvršiti neposredni uvid u akte i predmete Uprave policije u skladu sa članom 47. Zakona o unutrašnjim poslovima Kantona Sarajevo;
- e) predlaže smjenu policijskog komesara Vladi Kantona u skladu sa ovim zakonom;
- f) vodi prvostepeni disciplinski postupak protiv policijskog komesara i izriče disciplinske sankcije;
- g) prima, razmatra i postupa po podnesenim žalbama na rad policijskog komesara;
- h) usvaja poslovnik o radu Nezavisnog odbora i izvještava Skupštinu Kantona o svom radu;
- i) obavlja i druge poslove koji su stavljeni u njegovu nadležnost Zakonom o unutrašnjim poslovima Kantona Sarajevo;
- j) po potrebi razmjenjuje informacije, podatke, dokumente po pojedinim predmetima sa Komisijom za sigurnost Skupštine Kantona Sarajevo.

Kandidat za imenovanje na poziciju člana Nezavisnog odbora dužan je ispunjavati slijedeće opće i posebne uslove:

1) Opći uslovi:

- a) da je stariji od 18 godina,
- b) da je državljanin Bosne i Hercegovine;
- c) da nije otpuštan iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja ovog javnog oglasa,
- d) da se na njega ne odnosi član IX 1. Ustava BiH (da se ne nalazi na izdržavanju kazne izrečene presudom Međunarodnog tribunala za bivšu Jugoslaviju i niti je pod optužnicom Tribunala, a nije se povinovao-la naredbi da se pojavi pred tribunalom);

2) Posebni uslovi:

- a) ima stečenu diplomu visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa studijskih bodova ili drugog ili trećeg ciklusa Bolonjskog sistema studiranja, završen pravni fakultet ili fakultet za kriminalistiku, kriminologiju i sigurnosne studije, ili fakultet političkih nauka-odsjek sigurnosnih studija, ili druge visokoobrazovne institucije pravne, kriminalističke, kriminološke i sigurnosne struke, najmanje pet godina radnog staža u struci u ovim oblastima nakon sticanja visoke školske spreme;
- b) nije član političke stranke;
- c) nije bio imenovan na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- d) nije bio član izvršnog ili zakonodavnog tijela na bilo kojem nivou vlasti u Bosni i Hercegovini;
- e) nije osuđivan za krivično djelo;
- f) protiv kojeg se ne vodi krivični postupak;
- g) kojem nije izrečena disciplinska sankcija za teže povrede službene dužnosti;
- h) koje nije aktivni policijski službenik;
- i) koje nije istovremeno član dva odbora organa unutrašnjih poslova ili drugih policijskih agencija na bilo kojem nivou u Bosni i Hercegovini.

Kandidati su dužni uz prijavu, koja sadrži biografiju-CV, adresu i kontakt telefon, priložiti slijedeće dokumente:

- 1. izvod iz matične knjige rođenih,
- 2. uvjerenje o državljanstvu,
- 3. diploma ili uvjerenje o završenoj školskoj spreml,
- 4. uvjerenje –potvrdu o radnom stažu u struci;



web: <http://skupstina.ks.gov.ba>
 e-mail: skupstina@skupstina.ks.gov.ba
 Tel: + 387 (0) 33 562-055,
 Fax: + 387 (0) 33 562-210
 Sarajevo, Reisa Džemaludina Čauševića 1



5. izjavu da nije član političke stranke,
6. izjavu da nije bio-la na bilo kojoj poziciji u političkoj stranci na bilo kojem nivou, niti postavljen-a na bilo koju poziciju od strane političke stranke,
7. izjavu da nije bilo član izvršnog ili zakonodavnog tijela na bilo kojem nivou,
8. saglasnost (ovjerena od strane nadležnog organa) da Komisija po službenoj dužnosti pribavi uvjerenje da nije osuđivan za krivično djelo i uvjerenje da se protiv kandidata ne vodi krivični postupak, a izuzetno kandidati za koje nije moguće po službenoj dužnosti pribaviti navedena uvjerenja će biti posebno kontaktirani u cilju pribavljanja istih.
9. izjavu da kandidat nije otpušten iz državne službe kao rezultat disciplinske mjere u periodu od 3 godine prije dana objavljivanja ovog oglasa ili izjavu da nije radio u državnoj službi,
10. izjavu da mu nije izrečena disciplinska sankcija za teže povrede službene dužnosti,
11. izjavu da kandidat nije obuhvaćen članom IX 1. Ustava BiH,
12. izjavu da nije aktivni policijski službenik,
13. izjavu da nije istovremeno član dva odbora organa unutrašnjih poslova ili drugih policijskih agencija na bilo kojem nivou u Bosni i Hercegovini.

Uvjerenja iz tačke 8. Komisija će pribaviti po službenoj dužnosti samo za izabranog kandidata i tek po okončanju Javnog oglasa.

Dokumenti koji se prilažu moraju biti originalni ili ovjerene kopije. Sve izjave kandidati su dužni dostaviti ovjerene od nadležnih organa.

Svi kandidati koji budu ispunjavali opće i posebne uslove iz Javnog oglasa će biti pozvani na intervju. Skupština Kantona Sarajevo osigurat će da se izvrše javne objave konačnog imenovanja na upražnjene pozicije. Bilo koji kandidat ili zainteresirana stranka, može podnijeti prigovor na konačno imenovanje ako postoje dokazi da u procesu imenovanja nisu ispoštovani principi i postupci utvrđeni zakonom. Prigovor se podnosi istovremeno Skupštini Kantona Sarajevo i Ombudsmenu za ljudska prava BiH.

Javni oglas će biti objavljen u „Službenim novinama Federacije BiH“ i dnevnom listu „Dnevni avaz“. Rok za dostavljanje prijave je 30 (trideset) dana od dana posljednjeg objavljivanja oglasa. Nepotpune i neblagovremene prijave neće se uzeti u razmatranje.

Prijave sa svim traženim dokumentima mogu se dostaviti lično ili poštom, sa naznakom: “Prijava za javni oglas za imenovanje članova Nezavisnog odbora Skupštine Kantona Sarajevo -NE OTVARATI“, na sljedeću adresu:

„Komisija za izbor, imenovanja i administrativna pitanja Skupštine Kantona Sarajevo, ul. Reisa Džemaludina Čauševića broj 1, Sarajevo.

Broj: 01-04-29531/21
Sarajevo, 29.07.2021.godine

PREDSJEDAVALA KOMISIJE
Danijela Kristić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1

